



mi ta
haya hopi
importante
cu van
kessel
havenbouw
ta keda
existi



M

ichelle
van Kes-
sel (38)
ta e di
cuatro
gen-
eracion
den Van

Kessel Havenbouw, e compania di construccion cu e bisabuelo di Michelle a funda. Michelle practicamente a lanta den construccion, for di mucha e cu su otro dos rumannan tabata hunga na oficina cu tur e ekiponan.

Despues cu Van Kessel a traha mas cu 11 aña den e sector bancario, el a dicidi cu tabata tempo pa e bai traha den e compania cu su tata ta manehando for di aña 1968. Riba e pregunta dicon a dicidi awo pa 'join' Van Kessel Havenbouw Michelle ta contesta **cu mi tata a caba di haci 60 aña, y mi otro dos rumannan ta trahando den exterior. Pa evita cu porta aki 10 aña e compania no ta existi mas of mester busca un benta pe, mi a dicidi cu awo ta un bon momento. Mi rumannan semper ta welkom pa despues tambe forma parti di e team.**

"Nunca mi kier a traha pa e compania di mi tata, mi no tabata kier depende di dje. Pero awo mi kier duna bek. semper e tabata tey pa nos"

Por bisa cu Van Kessel, como hende muhe den e sector di construccion, por ta un distraccion pa sea e empleadonan of kizas clientenan. Den practica Michelle no ta experiencia esaki asina, e empleadonan sigur ta respete y nan ta hopi contento cu despues cu su tata a dirigi e compania pa tanto aña, Michelle a dicidi di sigui den e pasonan di su tata y welo. Michelle ta enfatisa cu e tin cu siña masha hopi ainda, pero e ta kere cu su experiencia den e sector financiero, e lo por contribui na e compania.

Michelle ta bisa: **mi ta haya falta di mi coleganan, pero e trabou na banco mes mi no ta mis echt. Mi ta contento cu e cambio. Mi ta gusta e cambio di ambiente, e trabou aki ta menos formal, mas pafo y mi ta hopi mas flexibel cu mi oranan. E ta un**

"Aunque e aña aki lo bira menos cu aña pasa, un parti di e placa di plant hotel lo bai pa e infraestructura, cu lo yuda e sector di nos sigur"

bentaha pa mi por maneha trabou cu mi dos yiunan.

Ya caba gobierno a dicidi pa hinca un parti di e placa di Plant Hotel pa renova un cantidad di scolnan, traha un edificio nobo pa un scol di HAVO y tambe e mudamento di e haf di container. Van Kessel ta remarka cu – sigur den e tempo dificil aki – **ta masha importante pa bo tin un bon grupo di trahadornan, esaki no ta diferente den e sector di construccion. Ta importante tambe pa duna bek na bo trahadornan y comunidad en general. Nos tabatin trahadornan akinan cu a siña mi tata – como mucha – con pa tene un martieu den su man.**

“Locual mi ta aprecia (di mi tata), cu e ta un hende humilde, cu ta simpelmente stima su compania”

Banda di un bon grupo di trahado, como compania di construccion bo mester ta financieramente sano, e compania no mester tin solamente e capacidad tecnico pa inscribi pa un proyecto, pero tambe e capacidad financiero, Michelle ta bisa. Pa cada proyecto e compania di construccion tin cu duna un garantia di banco di 5% di e montante di e proyecto. Tambe Michelle ta di opinion cu mester di un bon management team pa maneha tur e diferente procesonan den e compania. **Awendia tur cos cu tin di haber cu un negoshi ta birando mas y mas complex, bo mester un bon team pa maneha esaki.**

Riba nos pregunta si den e sector di construccion ta existi un sistema di cartel, caminda adelanta ta parti e proyectonan entre e contratistanan pa un cierto prijs, Michelle ta comenta cu esaki no ta existi na Aruba. Den palabra di Van Kessel, **no tin suficiente confiansa entre e contratistanan pa parti proyectonan adelanta of haci un tipo di palabracion adelanta riba e prijsnan.**

Michelle su mensahe pa otronan cu ta pensando pa bai traha pa e compania di famia ta **pa traha riba bo mes prome y ‘make it on your own first’.** Despues bo lo tin hopi mas balor pa e compania di famia. 



“No tin suficiente confiansa entre contratistanan pa parti proyectonan adelanta”